

Na osnovu član 32.stav. 1 Zakona o javnim nabavkama Bosne i Hercegovine (Službeni glasnik BiH broj 39/2014) , a nakon provedenog konkurentskog postupka sa objavljivanjem obavještenja na portalu broj 410-7-1-674 -3 -91 /15 od 31.11.2015, dana 01.02.2016 godine zaključen je

OKVIRNI SPORAZUM

između:

KJKP PARK d.o.o. SARAJEVO, ul. Patriotske lige broj 58, kojeg zastupa
Direktor Safet Baltić, dipl.ecc (u daljem tekstu **Naručilac**)

IB 4200258320003

I PDV 200258320003

PB 01071316

T.R. 161 000 000 8150048 Raiffeisen bank d.d Sarajevo BiH

i

KJKP“RAD“ d.o.o. Sarajevo ul.Paromlinska br.64 , kojeg zastupa direktor
Selim Babić, dipl.ing.grad.(u daljem tekstu **Prodavac**)

IB 4200316890001

I PDV 200316890001

PB 0170010500

T.R. 338 900 220 8077649 „UniCredit bank“d.d. Sarajevo

UVOD

Član 1.

Na osnovu provedenog konkurentskog postupka javne nabavke sa objavom obavještenja s namjerom zaključenja okvirnog sporazuma sa jednim ponuđačem za razdoblje od (3) tri godine na osnovu člana 32.stav 1 Zakona o javnim nabavkama KJKP“Park“ d.o.o. je Odlukom broj: 1115-5 odabrao **KJKP“RAD“ d.o.o. Sarajevo** kao najpovoljnijeg ponuđača u skladu sa objavljenim kriterijima za donošenje odluke o izboru te uvjetima i zahtjevima iz dokumentacije za nadmetanje.

Član 2.

Na osnovu ovog okvirnog sporazuma naručilac će izdati narudžbenicu za **isporuku i ugradnju asfalta** prema konkurentskom postupku sa objavljivanjem obavještenja na portalu e-nabavke broj 410-7-1-674 -3 -91 /15 od 31.11.2015 i prema specifikaciji sa cijenama a prema Ponudi Ponuđača broj JN-1131-1 od 14.01.2016.g. koji je sastavni dio ovog sporazuma.

PREDMET I TRAJANJE OKVIRNOG SPORAZUMA

Član 3

(1) Predmet okvirnog sporazuma je utvrđivanja uslova za izdavanje narudžbenica o javnoj nabavci roba za **isporuku i ugradnju asfalta** za potrebe naručioca, a prema specifikaciji sa cijenama koji se nalazi u prilogu ovog okvirnog sporazuma i čini njen sastavni dio.

(2) Ovaj okvirni sporazum se zaključuje na razdoblje od (3) tri godine, odnosno do istejka vrijednosti okvirnog sporazuma i tokom navedenog perioda se predviđa izdavanje narudžbenica o javnoj nabavci od strane naručioca kojim će se za određeno razdoblje tačno navesti količine, vrste robe i dinamika isporuke s tim da smanjenje orijentacionih količina ne može uticati na fiksne jedinične cijene.

II PROCJENJENA VRIJEDNOST NABAVKE

Član 4.

Procjenjena vrijednost nabavki se procjenjuje na iznos od **22.254,27 KM bez PDV-a** (dvadestdvijehiljadedvjestotinepedesetčetiri i 27/100) KM.

Član 5.

Naručilac će na osnovu okvirnog sporazuma izdati pojedinačnu narudžbenu ponudu s kojim je zaključen okvirni sporazum.

Ponudač je dužan da robu isporuči pod uslovima utvrđenim ovim sporazum bez ponovnog zahtjeva za dostavu ponuda i po cijenama i uslovima utvrđenim ovim sporazumom

Član 6.

Vrijednost naručene robe iz člana 4 ne može biti veća od navedenog iznosa i utvrdit će se putem pojedinačnih narudžbi naručioca kojom će biti precizirane stvarne količine i dinamika isporuke .

Smanjenje orijentacionih količina ne može uticati na fiksne jedinične cijene

Član 7.

Jedinične cijene koje je ponudač ponudio su nepromjenljive i ne mogu se mijenjati u toku trajanja okvirnog sporazuma na paritetu fco prodajno mjesto Prodavca.

Član 8.

Naručilac se ne obavezuje naručiti sve količine navedene u ovom sporazumu .

Količine koje su navedene u specifikaciji sa cijenama su okvirne .

Okvirni sporazum ne predstavlja ugovor o isporuci robe , odnosno ne utvrđuje obavezu naručioca da zahtijeva od ponuđača bilo koju robu , već se podrazumijeva da ako naručiocu bude potrebna neka od roba navedena u specifikaciji sa cjenama tada će naručilac tražiti od ponuđača isporuku robe .

III ROK ISPORUKE

Član 9.

Ponuđača se obavezuje isporučiti Robu iz člana 2. i Priloga broj 1 ovog Okvirnog sprazuma u obimu preciziranom pojedinačnom narudžbom naručioca u roku od 3 (tri) dana od dana prijema pismene narudžbe Kupca.

IV ROK I NAČIN PLAĆANJA

Član 10.

Naručilac se obavezuje Robu iz člana 1 ovog Okvirnog sporazuma platiti Ponuđaču u roku od 60 (šezdeset) dana od dana isporuke Robe od strane Ponuđača na osnovu fakture koju je obavezan ispostaviti Ponuđač.

V KVANTITATIVNI I KVALITATIVNI PRIJEM

Član 11.

Kvalitativni i kvantitativni prijem Robe iz člana 1 ovog Okvirnog sporazuma Naručilac se obavezuje izvršiti odmah po prijemu.

Za eventualnu razliku u količini, odnosno za oštećenja ili slabiji kvalitet od ugovorenog Naručilac je dužan sačiniti zapisnik kojeg će najkasnije u roku od osam dana dostaviti Ponuđaču na odobrenje.

Ponuđač se obavezuje priznati one reklamacije koje su praćene odgovarajućom dokumentacijom i povratom eventualno oštećene Robe ili Robe slabijeg kvaliteta.

Kod reklamacije Naručilac je dužan navesti tačan broj i datum otpremnice, te račun Ponuđaču kako bi se zadovoljili uslovi reklamacijskog roka od osam dana.

Nakon reklamacijskog roka od osam dana reklamacije se neće uvažavati, osim za robu sa skrivenim nedostacima koji nisu mogli biti utvrđeni prilikom prijema robe a za koju će reklamni rok važiti do isteka zaliha istih.

VI OSTALE ODREDBE

Član 12.

U slučaju propusta Ponuđača u izvršavanju Okvirnog sporazuma, Naručilac može uz dostavljanje Ponuđaču pismene obavijesti o neizvršavanju ovog Okvirnog sporazuma prekinuti ugovorni odnos u cjelini ili u njegovom dijelu, ako Ponuđač ne ispravi svoj propust u roku od sedam dana nakon prijema obavijesti o propustu u izvršavanju ovog Okvirnog sporazuma.

Član 13.

Rok trajanja ovog Okvirnog sporazuma utvrđuje se u periodu od 3 (tri) godine računajući od dana obostranog potpisa ovog Okvirnog sporazuma, ili po isteku vrijednosti ugovora.

Član 14.

Ako Ponuđač ne isporuči Robu naručiocu u ugovorenom roku dužan je platiti ugovornu kaznu u iznosu od 0,2% (dva promila) računajući od vrijednosti konkretne narudžbe za svaki dan prekoračenja ugovorenog roka. Ukupan iznos ugovorne kazne ne može preći iznos od 5% (pet odsto) vrijednosti konkretne narudžbe.

Član 15.

Svaka strana može otkazati ovaj sporazum bez obrazloženja sa otkaznim rokom od 30 (trideset) dana.

Član 16.

Ako slučaj više sile potpuno ili djelomično spriječi izvršenje obaveza po ovom Okvirnom sporazumu, svaka strana je obavezna obavijestiti drugu stranu u roku od 2 (dva) dana od dana nastanka više sile.

Član 17.

Strane potpisnice ovog sporazuma su saglasne da će sve eventualne izmjene i dopune ovog Okvirnog sporazuma regulisati njegovim Anexima.

Član 18.

Sve eventualne sporove strane će riješavati sporazumno u duhu dobrih poslovnih običaja i uzajamnog povjerenja. Ukoliko se sporazumno rješenje ne postigne nadležan je sud u Sarajevu.

Član 19.

Ovaj Okvirni sporazum stupa na snagu danom obostranog potpisa obje strana po ovlaštenim licima.

Član 20.

Sve izmjene i dopune ovog Okvirnog sporazuma mogu se vršiti isključivo i samo uz pismenu saglasnost ugovornih strana.

Član 21.

Sastavni dio ovog Okvirnog sporazuma čine:

1. Specifikacija sa cijenom iz Ponude Prodavca broj JN-1131-1 od 14.01.2016.g.
2. Prilog br.1

Član 22.

Ovaj Okvirni sporazum je sačinjen u 6 (šest) jednakih primjeraka od kojih naručilca zadržava 4 (četiri), a 2 (dva) primjerka se uručuju Ponudaču.



Za prodavca:
DIREKTOR

Selim Babić, dipl.ing.grad.

Broj: 05.02-04-2033/16
Sarajevo, 11.02.2016.



Za naručioca:
DIREKTOR

Safet Baltić, dipl.ecc

Broj: JN-1131-2
Sarajevo, 01.02.2016.g.

[Handwritten signature]